

古田縣志卷之二十一

禮俗志

附畚民

古人制禮以垂教後人守禮以成俗此中國所以爲禮義之邦而民族所以有文野之辨也降至近代世道陵夷喪心病狂之徒竟欲推翻舊禮教以遂其蕩檢踰閑之行爲風俗因以日偷國勢亦因以不振良可慨矣茲篇臚列冠昏喪祭諸大端而以全年之節期殿于後此亦吾民族固有之文化慎勿視之爲芻狗而輕棄之也纂禮俗志

（舊志）古田舊爲山洞四山環峙溪水去來不見其迹林壑嵐陰至午乃霽田歲一穫無多蓄聚惟負米至水口而已

古田縣志

卷之二十一

禮俗志

一

（郡志）古田邑俗鄙樸勤力居山谷遠者往往逋賦好鬪喜訟頗易動難安云

（宋邑令陳昌期學記）云邑人貴巫尙鬼景德間邑令李堪禁淫祀民始識仁義禮樂服教化

（元吳海送鄭學博序）云古田在昔提封之廣居民之衆里邑之華文物之盛蓋彬彬焉

（明羅榮記）曰邑依萬山中延袤各四百里民勤於田因地卑高而邱壑之雖層巒疊嶽泉可引漑盈尺不遺惟地衍田廣林箐蒙密鄰封流轉之民是爲歸逋逃不逞者亦間廁焉邑建治山坡漸平處無舟楫之通民務稼穡鮮逐末之利工技隸役多出

流寓之人鄉鄙細氓或地确而謀生難或林僻而竄匿易故頑訟逋賦不能盡無迄今文治漸啓無椎埋之盜多絃誦之聲何一變至斯也善乎謝司寇杰與劉令書曰古田僻在一隅民頑俗獷夙稱難治其實天真未漓治之無狀非民罪也今百墜俱理民不擾而俗以維新乃信非邑難人乃人難邑也

（楊德周識略）云客有問古田風土者余答曰邑人林春秀詩云田家多製糶畚客少租山又云灘險舟行阻家貧亦業儒人文崇孝弟生計薄屠沽亦可見玉田之大概矣

邑山田最多其在曠野者爲洋田多苦旱惟有陂塘者則無患穀熟之日估其應收之額還諸田主者曰面租所餘之穀係耕戶

## 古田縣志

卷之二十一

禮俗志

二

所自得自後耕戶出錢向田主永遠承耕或暫時承耕其永遠者得豫估一年已所應得之租轉賣別人曰根租此例惟乾隆季年後始有之乾隆以前大概皆根面合掌凡根面合掌之田遞年由何人承耕聽田主自由其有根之田除積欠面租可由田王召回別耕外卽有買賣田主亦不過問惟遇天年旱潦耕戶應先還面租其根租之有無不計也然根租不納糧價比面租尤輕故鄉民便之至還根面兩租其數目盈絀或主佃到田分收或豫收課價則視其當時所立之契約若何此則古田置業之家所沿爲一種習慣也

冠禮

古者男子二十而冠近世鮮有行者古田多於嫁娶前一日延巫設醮告成人於神謂之同圓關不知是否冠禮之遺也

### 昏禮

昏禮之始首論門第二姓既合命媒氏以釵鈿當委禽焉曰報好用牲酒書幣以問名曰通庚請期曰日子女家觴客曰嫁女酒至期晡親友集候於途二姓各以其屬相迎送曰迎新婦至壻候於房少頃堂前立香案請儂歌詩贊禮新郎新婦出拜天地祖先父兄親戚以次謁見皆有贊曰拜堂共牢合卺曰食牀前酒開筵觴客曰佳期酒次日廟見拜如前女眷皆以次謁見亦皆有贊徧飲女客曰下廚酒嫁女三日父母家來餉食謂餽

## 古田縣志

卷之二十一

禮俗志

三

女三日後女偕壻省父母謂之回鸞俗謂之回門卽古反馬之義中戶以下多童養媳及笄爲擇吉合卺貧者每於歲除行之又有乘初喪而婚嫁者謂之乘凶皆陋俗耳知禮之家無是也民國二十八年黃令澄淵奉禁童養媳同時推行節約運動規定娶婦聘金不得過百金提倡集團結婚娶婦預報社會服務處納用費國幣壹拾元候集數耦定期舉行所有新郎新婦集中山堂二姓主婚人介紹人證婚人來賓均蒞止依序入禮堂鳴爆奏樂讀結婚證書署印交換結婚證物如儀行鞠躬禮畢茶點款客攝影散回謂爲文明婚禮昔謝在杭論福州風俗云今俗婚嫁祇以財勢相雄市井強有力之家奩值累千金有鬻

產治具者若延師則纖毫必較諺云有錢嫁女無錢教子其風爲已下矣今後此俗或可漸革歟

### 喪禮

邑俗親死之日子哭泣辟踊爲親沐浴更衣停尸寢門內奉含受唁卽日入木備祭小斂數日大斂成服設喪幕靈位延名人題旌訃告親友弔喪多於首七行之每七日迭備一祭謂之過七至四十九日而止或有延僧道作道場功德者死後三餐於靈前上食至百日設祭撤靈焚紙舟於門外出殯鼓吹儀仗前導喪主扶襯行親友執紼有白衣冠者左臂纏黑紗者至相當地點喪主跪地謝步始歸如柩非則葬則停權屋期爲小祥又期

## 古田縣志

卷之二十一

禮俗志

四

爲大祥三年爲禫除服遵喪制也

### 葬禮

葬則擇地定方位破土開壙進棺造坎立碑惟墓誌銘望族始有古者葬期有制季世不守古制葬無定期一則惑堪輿家言一則因山價昂築費鉅艱葢役往往停柩數十年或歷數世而不能葬者自周令恒設清葬局後停柩之弊稍清歷年又久停柩仍之黃令澄淵復飭警察局各區署強制清葬惡習重革矣

### 祭禮

祖父母考妣死日爲忌辰中元焚蠶奉祖俗呼半段逢年節供奉祖宗皆備家祭而祠祭奠祭多於清明立夏中秋冬至行之禮

尤隆重蓋祠墓均有祀田議立簿規每年按房輪收備辦完課祭品司祭負其責房長董其成屆期率族衆往祭或分胙或設筵視祀田多寡而定五祀之祭如昔神廟之祭以誕日慶祝之慶弔

賀禮俗視正壽爲重五秩以上逢十輒稱壽親友餽屏幃儀物其家先於歲除之夕設壽堂張燈結綵鼓吹徹夜壽者正坐於堂子媳弟姪孫曾及至戚整衣冠上燭羅拜團飲家宴元旦親朋畢至登堂拜壽壽者各賜以金並餉壽麵歷三日而止諷吉侑觴申謝席豐費鉅非小康不易舉也常壽親友但餽儀物子女弟姪孫曾於誕辰前夕上燭以拜誕日親友賁臨揖賀卽晚設

## 古田縣志

卷之二十一

禮俗志

五

筵酬謝婚嫁親反餽儀物嫁則午往觀輿飲宴婚則晡往觀禮飲宴入泮登科生子均往揖賀弔禮以香燭紙箔輓章或具銀錢爲賻弔期往奠三拜民國三鞠躬禮畢各給白布一方飲饌而散若長親至戚死小斂弔期婦女亦往奠天札災眚躬親慰問而已

### 鄉飲

鄉飲之禮清季僅存其名凡縉紳耆儒年登花中古稀耄耄邑令學官題給扁音而已民國二十七年冬軍政長官合開敬老會於縣政府大堂六十以上耆賓皆與焉蓋卽鄉飲之遺意也

### 語言

閩省土音府縣各異邑轄城及近鄉音同邊界音與隣封相近畚民自成一音不易辯也

### 裝束

前清男薙髮留辮民國剪髮去辮女挽髻貫耳纏足民國剪髮去髻戒貫耳禁纏足但鄉僻男女尙有舊裝實昧時務而城市婦女鬘髮露臂又太時髦望當局亟再糾正之

### 衣食住

衣尙土布非酬酢罕服絲織自舶來品輸入始有用洋布者食日三餐皆飯鄉人或參以薯米非勞動者夏天晚喜食粥佐飯多以菜蔬醃菜鹹魚之類鷄鴨猪羊不常烹魚取溪池外海鮮則

## 古田縣志

卷之二十一

禮俗志

六

運自甯羅然不恆有也婚喪諸宴會以十八簋爲度市少茶坊菜館鄉間酒惟家釀以待不時之需住則城市雜處鄉多聚族而居屋圍以牆架以木覆以瓦四榻六榻八榻大小不一山居多茅廠蔽風雨而已邇來車路縱橫交通便利商旅雲集流寓日增闊綽之流衣則綢緞紗羅奇裝異飾食則菜館林立珍錯雜陳住則洋式樓房輝煌壯麗變儉樸爲奢侈不勝今昔之感焉

### 節期

正月元旦焚香開年拜神祇祖先家少長以次拜揖親戚各相過稱賀三日市不列肆謂之節假

立春先一日縣令祭勾芒於東郊迎土牛鞭之各取其土爲宜年  
今禮廢

初九日傳爲玉皇誕清晨淨几焚香以壽之

上元迎賽蓋古大儼遺意也自月十日訖月二十日縣城各保皆  
粧飾儀仗迎神出巡夜則張燈鼓吹遶境或演魚龍百歲以相  
嬉游十四五兩夜城中河西迎仙西湖各境豫求名人題詩揉  
竹剪紙爲字燈以次排列河岸月光燈影照耀水濱閒以笙歌  
環繞街衢觀者如市各鄉於是月亦各有祈賽銀花燦爛眞勝

觀也

南豐謝鳴盛字燈記上元之有燈由來舊矣而古田則有字燈集字爲□作擊窠書縱橫二尺餘破竹□沿書勢之爲橫爲豎爲正爲仄爲□爲鈎爲撇爲捺爲戈爲彡連累畢肖圍其外周布以紙空其中徑三五寸注燭炳然字外

又爲大圓如錢形雜以五色花卉綴字於圍口繽紛璀璨朗朗如月之出海每一字出先後佐以禽蟲果木瓶瓦玻璃紗紙諸小燈彈□鏡鼓星聚喧擁以次而前短或七字爲句聯爲十四字長且□以七十四字光□里許每一字或一家獨□或五六

## 古田縣志

卷之二十一

禮俗志

七

家共襄之皆河西□民家戶相傳歲以爲常例云其河自城中北隅□山澗水斜繞縣治後而西以□於南郊大溪寬廣六七尺深倍之民之居於河左右者先期取兩青竹卷其枝□屈盤之如門焉高丈許□差對豎於河干其流中伏間於市塵分爲三區每區各自□屬爲燈乞□人爲之句以競勝惟風火二字禁用至十三日城中競賽神戶陳几席珍果玩好羅列於游以待區內之神尸至而受享焉河西神至迺各以所謂字燈□懸之圍竹中□古報賽意也次日三區分三日張其字燈以游縣庭及於文武署然後周繞城市歸而仍懸諸河微波清漾倒影映字光閃爍豔躍恍如蛟宮蜃窟湧其瑰璋之文洵異觀也其居戶之遠於河者又各爲疆里裝演故事或十具或二三十員爲龍爲獅條紅條白條歌笑晝夜相間而□以助字燈之勝凡十餘日何其休且樂也吳越極天下華靡之區而姑蘇燈宵往往間四五□一翠舉則惟陳其珠貝綺羅輝煌煊麗而雅淡生趣者鮮矣去春予舟遠蘭溪值元夕於河干遙觀□紅燈纍纍長繞二里計中有三龍跳□軒舞於萬炬中歎爲奇遇古田立縣於崇峻之地舉目皆山城中五六千戶有奇□南肆當午不喧縣署倚於東南隅□日但聞溪水聲俗之簡樸可知矣而上元燈火富乃出於吳越右且千百爲羣老稚良懦逐□以嬉懷懷肅肅不致以紛紛醉啜煩有司之呵禁尤爲閩俗所難及於以知國家教澤所被斯民醞釀於休和二□辛勤儉嗇而歲首報賽與鄰里□致其權□寓太平之樂昭簡樸於嬉戲之中必出於文焉此非獨官斯土者之樂抑吾客之樂同其樂也

二十九日爲拘九日雜飴菓煑糜舖之或以餽親友云

二月

上丁釋菜祭文廟官紳皆祇謁如儀

詳誌  
校誌

中戊日祭關岳廟武官進謁如儀

詳誌  
祀誌

三月

清明日人家插柳於門多以是日祭祖先墓芟草掃地挂紙錢於墳頭民國曾以是日爲植樹節今改於

總理逝日行之

十九日佛家謂爲觀音誕是日設齋供觀音士女如雲頂禮誦經喃喃不絕

四月

立夏日田家具酒肉粢盛醉飽彌日謂之犒夏以農忙自茲始也

五月

端午節朔日人家插蒲艾於簷以角黍或各物相餽遺五日飲蒲酒合藥配製午時茶噴雄黃酒於屋四週以祛蟲蟻小兒臂繫

## 古田縣志

卷之二十一

禮俗志

八

五色絲胸挂香包或繭虎附城河及高攀溪競渡龍舟自五日

六月

至十日而止當地各機關獎以錦標重體育也

六日爲天貺節曬書畫衣冠且浴犬

七月

七夕爲乞巧節人家夜薦瓜果菓於庭以乞巧並於日間濬井

中元家祀祖先供牲醴焚楮衣冥鏹各以餽餘相招飲相餽遺祠

祭墓祭如清明有夜延僧道爲焰口蒙山謂之施食還愿

八月

上丁釋菜祭文廟如二月

中戊日祭關岳廟如二月

中秋製餅作月形親戚相餽遺夜荐餅菓於庭以供月親友踏月順訪者卽以餅菓餉之有具燈謎於門前猜中者奉以茶餅外或鳴爆獎之又有分隊作拔河戲均饒興趣今罕觀

九月

重陽采菊佩茱萸放風箏登高泛酒賦詩以爲樂

十月

是月納禾稼田家報賽煮酒奉牲以祀神謂之做冬福以農功告成也

十一月

## 古田縣志

卷之二十一

禮俗志

九

冬至日以米粉爲員食之達陽氣也

十二月

除歲前數日潔治屋宇二十三二十四各以酒菓祀竈神謂之祭竈蓋卽醉司命年終以酒肉各物饋遺親友謂之饋歲除夕放爆竹燎柴門外老少聚飲謂之團歲坐至夜闌謂之守歲蒸飯藏之謂之歲飯繕換春聯皆取除舊布新之意

右節期沿用農歷民國以國歷增定節期如左

三月

八日婦女節參加國際婦女運動解放也

十二日植樹節是日係 孫總理逝世之日植樹造林永垂紀念

也

四月

四日兒童節以兒童爲國家將來之主人翁注意兒童健康強民族而培國本也

五月

一日勞働節工人要求解放每日以八小時工作八小時休息八小時睡眠均勞逸也

八月

二十七日教師節是日係先師孔子誕辰以全國教師當效法孔子道德學業施教育於青年也

## 古田縣志

卷之二十一

禮俗志

十

十月

十日雙十節是日爲國民黨在武昌起義推翻專制政府建立中華民國故規定爲國慶日

畚民附

畚民相傳爲盤瓠氏之後深居幽谷其素藝則開墾荒山自耕自食並有栽靛者其田棄瘠就腴每耕三年後則又徙而之他處耕種又三年亦如之邑畚民有雷藍二姓男女赴山耕作每腰繫魚藟捕魚螺以爲饌羹執柴刀採薪以供炊爨多於深山中編茅爲居其服飾男戴竹笠女跣足圍褲頭戴冠子以巾覆之或以白石藍石串絡縛冠上或夾垂兩鬢與居民較異近則附

近民居各村與民往來交易亦有承耕民田能自變易其俗惟  
疏遠者則相沿舊習如故按杜氏通典云帝嚳時患犬戎入寇  
乃募有得犬戎將軍頭者妻以少女時帝有畜犬曰盤瓠啣其  
首至乃以女配之盤瓠得女負走入南山止石穴中生六男六  
女自相婚配其後滋蔓長沙黔中有五溪蠻是也又按省志雷  
藍盤三姓皆獠之種清乾隆十七年督撫繪畚民圖冊以進奉  
硃批知道了茲以其俗頓異故附載及之